

Script of Evening Gojri News Bulletin 28 August 2024 at 1700 Hrs

ايوننگ گو جری نیو ز بلیٹن مو رخہ 28 اگست 2024

یوہ آکا شوانی جموں ہے نصرت چودھری تے محمد امین انجم تیں خبر سُنو۔ پہلاں خاص
خاص خبر۔

Headlines

* 1۔ پردھان منتری جن دھن یوجنا نے اج 1 دہائی مکمل کر لی ہے تے ہُن توڑی 53 کروڑ
لوکاں نے فائدو حاصل کیو ہے۔

* 2۔ اقوام متحدہ سلامتی کونسل نے اصلاحاتی بحث اگلا اجلاس تک ملتوی کر دتی ہے۔
بھارت نے فیصلہ غی نقطہ چینی کی ہے۔

* 3۔ پولیس غا ایڈیشنل ڈائریکٹر جنرل نے سالانہ کیلاش گنڈ یا ترہ با رے سلامتی غو جائزو
لیو۔

* 4۔ تے محکمہ موسمیات نے جموں کشمیر مانہ 3 ستمبر تک ہو ر بارش ہون غو امکان
ظاہر کیو ہے۔

خبراں غی تفصیل نال پہلاں محمد امین انجم۔

PM JDY

سرکار غی پردھان منتری جن دھن یوجنا نے اج 10 سال مکمل کر لیا ہیں۔ اس اسکیم غے
تحت ہون توڑی 53 کروڑ تیں متا مستفید افراد نانہ بینک سنگ جوڑیو گیو ہے۔ وزیر اعظم
مودی نے تمام مستفید افراد نانہ مبارکیاد دتی۔ نالے اُن لوکاں غو شکریو ادا کیو جنہاں نے یاہ
سکیم کامیاب بنائی۔ اک سوشل میڈیا پوسٹ ور وزیر اعظم نے کہیو ہے جن دھن یوجنا مالی
اندراج نانہ با بدو دین واسطے نمایاں اسکیم ہے تے یاہ کروڑاں لوکاں خاص کر
کالسریاں، نوجواناں تے حاشیہ گا طبقات نانہ عزت دے رہی ہے۔ مرکزی وزیر خزانہ
نرملاسیتھارمن نے کہیو ہے جے مذکورہ اسکیم غریب لوکاں نانہ معاشی عام دائرہ سنگ
جوڑے تے اس طرح حاشیہ غا طبقات غا لوکاں غی بہتری واسطے اک فیصلہ گُن کردار ادا
کرے۔ وزیر موصوفہ نے کہیو ہے جے 67 فیصد بینک کھاتہ دیہی یاہ نیم دیہی علاقہ اور 55
فیصد کھاتہ کالسریاں غی طرفوں کھولیا گیا ہیں۔

UNSC Reforms Postponed

اقوام متحدہ غی جنرل اسمبلی نے متفقہ طور ور سلامتی کونسل مانہ اصلاحاتی بحث نانہ
اگلا اجلاس توڑی ملتوی کرن غا حق مانہ ووٹ دتو ہے بھارت غی نائب مستقبل نمائندہ یوجنا
پٹیل نے اس فیصلہ ور تنقید کر غے خبردار کیو کہ بین القوامی حکومتی مذاکرات غو عمل
اگر پیش رفت تیں بغیر جاری رہیو تاں اس غی قانونی حثیت ختم ہون غو خطرہ ہے۔ 2009
مانہ ائی جی این یعنی بین القوامی حکومتی مذاکرات غو عمل شروع ہون تیں بعد اسمبلی
نے بار بار باضابطہ مذاکرات نانہ 12 ممالک بشمول پاکستان، اٹلی تے کنیڈا غا گروپ غی
مخالفت غی وجہ تیں مؤخر کر دتو ہے۔ جنہاں نے باضابطہ مذاکرات نانہ اپنان تیں روک
دتو تھو۔

SVEEP Samba

ضلع چنآؤ افسر سانہہ راجیش کمار غی ہدایت غے تحت سانہہ غی ضلع انتظامیہ نے اج اک موٹر سائیکل ریلی غو انعقاد کیو۔ اس کا روائی غو مقصد ووٹاں بارے بیداری عام کرنو اور چنآؤ مانہہ حصے داری بدھانو تھویوہ پروگرام سویپ پروگرام غے تحت منعقد کیو گیو پروگرام غی قیادت ضلع نوٹل افسر سویپ ایشو شرما اور اسمبلی حلقہ نمبر 71 غا نوٹل افسر پارل کھجوریہ نے کی۔ مذکورہ ریلی اسمیل پور گراؤنڈ تیں شروع ہوئی تے بڈھوڑی گراؤنڈ مانہہ اختتام پزیر ہوئی۔ مہارا ضلع نمائندہ نال گل کرتاں واں سویپ گا نوٹل افسر نے اس طرح کہیو۔۔۔ با نٹ۔۔

SVEEP Reasi

ضلع چنآؤ افسر ریاسی نے اج سویپ پروگرام غے تحت اک بڑو ووٹر بیداری پروگرام منعقد کیو۔ پروگرام شری ماتا ویشنو دیوی مندر گا بنیادی کیمپ کٹڑا مانہہ منعقد ہوؤ۔ جس غو مقصد شہریاں نانہہ ووٹاں گی اہمیت، ووٹ اندراج کا روائی اور چنآؤ مانہہ حصے داری غی اہمیت بارے بیدار کرنوتھو۔ اس موقع ور گھوڑاں گا جلوس غو استعمال کر غے ووٹراں نانہہ بیدار کیو گیو۔ ضلع چنآؤ افسر وشیش مہاجن نے پروگرام گا مقاصد بیان کیا تے اس طرح کہیو۔۔۔ با نٹ۔۔ اس موقع ور حصو لین آلی اک کالسری نے اس طرح کہیو۔۔۔ با نٹ۔۔

DEO Jammu

ضلع چنآؤ افسر جموں سچن کمار ویشے نے اج ذرائع ابلاغ نال خطاب کیو۔ انہاں نے آتا چنآؤ غی چل رہی تیاریاں غی تازہ خبر دین غی گل کی۔ موصوف نے زور پایو جے ضلع غا اسمبلی حلقہ چنآؤ کا روائی واسطے پوری طرح سنگ تیار ہیں۔ مزید تفصیل دیتاں واں انہاں نے اس طرح کہیو۔۔۔ با نٹ۔۔

DEO Rajouri

ضلع چنآؤ افسر راجوری ابھیشیک شرما نے کہیو جے ضلع مانہہ کنیں جگہیں سویپ پروگرام چل رہیا ہیں تے مہاری ٹیم خاص کر پہلی بار ووٹ پان آلاں نانہہ چنآؤ بارے بیداری کر رہی ہیں۔ انہاں نے کہیو جے مہاری کوشش ہے جے اس بار زیادہ تیں زیادہ لوک چنآؤ مانہہ حصو لین۔ انہاں نے کہیو۔۔۔ با نٹ۔۔

یہ خبر تم آکاشوانی جموں تیں سن رہیا ہیں خبراں غا باقی حصہ نال نصرت چودھری۔

Kailash Kund Yatra

پولیس غا ایڈیشنل ڈائریکٹر جنرل جموں زون آنند جین نے کل سالانہ کیلاش گنڈیا ترا غی سلامتی تیاریاں غو جائزولیو۔ جہیڑی اڈھم پور، ڈوڈہ پہاڑیاں مانہہ جلدی ہی شروع ہون واسطے تیار ہے۔ اے ڈی جی پی نے دھیان نال منصوبہ بندی غی اہمیت اور مضبوط سلامتی تدابیراں ور زور پایوتانجے یا تریاں غی حفاظت یقینی بنائی جا سکے۔ انہاں نے تمام متعلقہ ایجنسیاں نانہہ ہدایت کی جے وے مل جُل غے کم کریں تا نجے یا ترا غے دوران پیش آن آلا امکانی خطراں غو سامنو کیو جا سکے۔ انہاں نے یا ترہ ور کلیدی جگہیں وافر مقدار مانہہ انسانی قوت، اضافی ناکا، اور گشت مانہہ باہدہ غی ضرورت ور زور پایو۔ تانجے کسے قسم غا واقعہ نانہہ روکیو جا سکے۔ اے ڈی جی پی نے طبی امداد، موصلاں سہولیات اور آفت انتظام گا سلسلہ مانہہ وی جائزولیو۔ موصوف نے افسراں نانہہ ہدایت کی جے ویں بنگامی طبی ٹیم تیار کریں نالے ضرورت ہیں غی صورت مانہہ ایمبولینس اور ہیلپ لائنیں غو انتظام کریں۔

Jitin Pharma Exhibitions

صنعت و تجارت کا مرکزی وزیر مملکت جتن پرساد نے اعتماد ظاہر کیا ہے جسے بھارت
گو دواسازی سیکٹر 2030 تک 130 بلین ڈالر غو ہو جائے گا۔ جہیزو اس ویلے تقریباً 55
ڈالر غو ہے۔ جناب پرساد نے گریٹر نو ایڈا مانہ دواسازی بارے 10 ویں بین القوامی
نمائش غو افتتاح کرتاں واں یاہ گل کہی۔ انہاں نے کہیو جسے بھارت دواسازی غا حوالہ سنگ
ڈنیا مانہ مشہور ہے۔ اس طرح بھارت ڈنیا غی تیجی بڑی صنعت ہون غے نال 3
بزار دواسازی کمپنیاں غو کہر ہے۔

Women Skill Training

بٹر ترقیات تے کا روبا ر غا سیکریٹری اٹل کمار تواری نے بھارت غی اقتصادی ترقی
واسطے افراد قوت مانہ خواتین غی شرکت غا اہم کردار ور روشنی کہلی۔ نوی دہلی مانہ نو
عمر بچیاں تے خواتین مانہ با اختیار بنان گا موضوع ور اک ورکشاپ نال خطاب کرتاں واں
انہاں نے مہارت غی ترقی ور زور کہلیو۔ خاص طور ور نوعمر بچیاں تے خواتین واسطے
جنہاں مانہ تعلیم تک محدود رسائی غو سامنو ہے۔ ان مسائل مانہ حل کرن واسطے مہارت
غی ترقی تے کا روبا ر گا وزارت نے اک مفاہمت نامہ ور دستخط کیا ہیں۔ بچاں تے خواتین
غی وزارت گا سیکریٹری انیل ملک غے مطابق اس شراکت داری غو مقصد خواتین مانہ
غیر روایتی بٹر غی تربیت فراہم کرنو ہے۔

Weather Forecast JK

محکمہ موسمیات نے جموں کشمیر مانہ کچھ حصاں مانہ 3 ستمبر توڑی گرج چمک غے
نال بارش غی پیشنگوئی کی ہے۔ 28 تے 29 اگست مانہ خطہ گا زیادہ تر علاقاں مانہ ہلکی
تے درمیانی بارش ہو سکے۔ 30 اگست مانہ کئی مقامات ور مزید بارش غا امکان ہیں۔ تے
31 اگست تے 1 ستمبر غے درمیان الگ الگ مقامات ور ہلکی بارش غا امکان ہیں۔ 2 تے 3
ستمبر مانہ گرج چمک غے نال بارش ہے سکے۔ اس تیں بعد 4 تیں 7 ستمبر توڑی موسم
خشک رہن غی توقع ہے۔

SVEEP Poonch

آتا اسمبلی چناواں مانہ ووٹراں غی بڑی تعداد مانہ حصے داری یقینی بنان واسطے سویپ
ٹیم نے سرنگوٹ غا دور دراز علاقاں گو دورو لایو۔ پہاگلا گراں غا دورہ غے دوران ٹیم نے
کئیں ووٹراں نال گل کی۔ جن مانہ حاشیہ گا طبقات گا لوک نوجوان تے بزرگ شہری شامل
تھا۔ مہارا ضلع نمائندہ نال گل کرتاں واں سویپ غا ماسٹر تربیت کار امتیاز نے اس طرح
کہیو۔ بانٹ۔

خاص کاص خبر اک وری پھر سن لیو۔

- * 1۔ پردھان منتری جن دھن یوجنا نے اج 1 دہائی مکمل کر لی ہے
تے ہن توڑی 53 کروڑ لوکاں نے فائندو حاصل کیو ہے۔
- * 2۔ اقوام متحدہ سلامتی کونسل نے اصلاحاتی بحث اگلا اجلاس تک
ملتوی کر دی ہے۔ بھارت نے فیصلہ غی نقطہ چینی کی ہے۔

*3- پوليس غا ايڊيشنل ڊائريڪٽر جنرل نه سالانه ڪيلاش ڪنڊ يا تره با
رے سلامتۍ غو جانزو ليو۔

*4- تے محكمه موسميات نه جمون ڪشمير مانبه 3 ستمبر تک هو ر با
رش هون غو امکان ظاهر ڪيو هے۔

اس غے نال هې خبراں غو يوه بليئن ختم هوؤ۔